

खबरां

- भारती जनता पार्टी दी पच्छिम बंगाल च भारी जित्त। बीजेपी 293 चा 204 सीटें पर अगगे चला'रदी ऐ। तृणमूल कांग्रेस दी 83 सीटें पर बहुमत।
- असम च भारती जनता पार्टी दी लगातार त्रीस बारी सत्ता च वापसी।
- तमिलनाडू च अभिनेता सवां राजनेता बने विजय दी टी.वी.के पार्टी नै अपने पैहले चुनावें च शानदार प्रदर्शन कीता ऐ। सत्ताधारी डीएमके त्रीए नम्बर उप्पर ते मुखमंत्री एम.के स्टालिन बी पिच्छले चला'रदे ना।
- केरला च कांग्रेस दी अगुवाई आहली यू.डी.एफ, एलडीएफ गी हराइयै पूर्ण बहुमत आहली बक्खी बदा'रदी ऐ।
- पुदुचेरी च एनडीए दी सत्ता च इक बारी फही वापसी।
- ते विधानसभा उपचुनाएं च बीजेपी नै गुजरात, त्रिपुरा ते नागालैंड च 1-1 सीट पर जित्त दर्ज कीती ऐ।

<><><><><><>

Overall Assembly Polls

4 राज्यें ते इक्क केंद्र शासत प्रदेश च होए दे विधानसभा चुनावें दे नतीजें आना शुरू होई गेदे ना। भारती जनता पार्टी पच्छिम बंगाल च भारी जित्त आहली बक्खी बधा'रदी ऐ जदकि असम ते पुदुचेरी च बीजेपी दी सत्ता च वापसी तय ऐ। तमिलनाडू च अभिनेता थमां राजनेता बने विजय दी पार्टी पी.वी.के नै अपने पैहले चुनावें च गै शानदार प्रदर्शन कीता। केरला च कांग्रेस दी अगुवाई आहली यू.डी.एफ, एल.डी.एफ गी हराइयै पूर्ण बहुमत हासिल करा'रदी ऐ। विधानसभा उपचुनाएं च भारती जनता पार्टी नै गुजरात, त्रिपुरा ते नागालैंड इक्क-इक्क सीट उप्पर जित्त हासिल कीती ऐ जदके कांग्रेस नै कर्नाटका च इक्क सीट पर जित्त दर्ज कराई ऐ। पच्छिम बंगाल च 293 सीटें चा भारती जनता पार्टी 204 सीटें पर अगगे चला'रदी ऐ जदके तृणमूल कांग्रेस गी 83 सीटें पर बढत हासल ऐ। मुखमंत्री ते टीएमसी दी लीडर ममता बनर्जी होरें भवानीपुर विधानसभा सीट पर बीजेपी दे मेदवार सुवेंदु अधिकारी उप्पर बढत बनाई दी ऐ, जदके सुवेंदु अधिकारी नंदी ग्राम सीट उप्पर अगगे चला'रदे ना। बीजेपी दी लगातार त्री बारी असाम च जित्त पक्की ऐ। असाम च कुल 126 सीटें चा 74 सीटें उप्पर नतीजें दी घोशणा करी दिती गेई ऐ जेदे चा बीजेपी नै 82 ते ओहदे भ्याल पार्टियों 5 सीटें पर जित्त हासिल कीती ऐ ते बोडोलैंड पीपल्स फ्रंट नै 6 सीटें उप्पर जित्त दर्ज कीती ऐ। दुए पास्से कांग्रेस ए.आई.यू.डी.एफ ते टीएमसी नै 1-1 सीट जित्त हासल कीती ऐ। बाकी दी बची दी सीटें चा भारती जनता पार्टी 23 सीटें उप्पर, एजीपी त्रै, बीपीएफ 4, कांग्रेस 19 ते ए.आई.यू.डी.एफ इक्क सीट उप्पर अगगे चलाटरदी ऐ। बीजेपी दे मेदवार ते मुखमंत्री हेमंता बिस्वा सरमा होर जालुकबड़ी विधानसभा

सीटें परां कांग्रेस दी मेदवार विधिशानियोग थमां अगगे चला'रदे ना। केरला च सब्बै 140 सीटें पर नतीजे ते रूझान सामने आवा करदे ना। कांग्रेस दी अगुवाई आहली यू.डी.एफ सत्ताधारी एलडीएफ गी हराने आहली बक्खी अग्रसर ऐ। कांग्रेस नै अजें तोड़ी 100 सीटें पर बढ़त बनाई दी ऐ। कांग्रेस दी भ्याल पार्टी आई.यू.एम.एल नै 8एं सीटें पर जित्त दर्ज कीती ऐ ते 14 सीटें पर अगगे चलाटरदी ऐ। सत्ताधारी सीपीएम नै 18एं सीटें पर जित्त हासल कीती ऐ ते 8एं सीटें पर अगगे चला'रदी ऐ जदके भ्याल पार्टी सीपीआई नै 5 सीटें पर जित्त दर्ज कीती ऐ ते 3 सीटें पर अगगे चलाटरदी ऐ। तोआई, तमिलनाडू च अभिनेता थमां राजनेता बने विजय दी टीवीके पार्टी तमिलनाडू विधानसभा चुनाएं च इतिहास दर्ज कराने जा'रदी ऐ। अजें तोड़ी आए दे रूझानें मूजब टीएमके नै 234 सीटें परा 101 सीटें पर बढ़त बनाई दी ऐ। चुनांऽ कमीशन मूजब मुखमंंत्री एम.के स्टालिन हुंदी अगुवाई च डीएमके नै 72 सीटें पर बढ़त बनाई दी ऐ, जदके ए.आई.ए.डी.एम.के 54 सीटें पर अगगे चला'रदी ऐ। इयां गै आई.एन.सी 4, पीएमके 5 ते बीजेपी 3 सीटें पर अगगे चला'रदी ऐ। दुई बक्खी पुदुचेरी च एनडीए सरकार दी वापसी तय मन्नी जा'रदी ऐ। उत्थे कुल 30एं सीटें चा एन. रंगास्वामी हुंदी ए.आई.एन.आर.सी नै 9 सीटें पर जित्त हासिल करी लैती ऐ ते 2 सीटें पर अगगे चला'रदी ऐ जदकि बीजेपी नै 2 सीटें पर जित्त दर्ज कीती ऐ ते इक्क उप्पर अगगे चला'रदी ऐ।

Assembly Bypolls

PM-BJP

Roaster-Ministers

जम्मू-कश्मीर सरकार नै सिविल सचिवालय जम्मू च मंत्रिणं दी उपलब्धता आस्तै मई म्हीने लेई इक रोस्टर जारी कीता ऐ। हुकमै मताबक उपमुख्यमंत्री सुरिंद्र चौधरी होर 4 मई शा लेइये 8 मई तगर इत्थें उपलब्ध रौहडन। एह्दे मगरा सेहत मंत्री सकीना इत्तू होर 11 मई शा लेइयै 15 मई तगर जम्मू सिविल सचिवालय च मौजूद रौहडन। मुख्यमंत्री हुंदे सलाहकार नासिर असलम वाणी होर 18 मई शा लेइये 22 मई तगर उपलब्ध रौहडन, जिसलै के राईबाई मंत्री जावेद अहमद डार होर 25 मई शा लेइयै 29 मई तगर इत्थे मौजूद रौहडन।

<><><><><><>

Iran Warn US

ईरान नै अमरीका गी होमूर्ज च दाखल होने खलाफ चेतावनी दिंदे होई आखेआ ऐ जे इस इलाके च दाखल होने दी कुसै बी कोशश दा बनकदा परता दित्ता जाह्ग। इक बयान च ईरान दे खतम अल अनबिया दे केंद्री मुख्यालय नै आखेआ ऐ जे कोई बी विदेशी सशस्त्र बल खास करियै अमरीकी सैनिक इस महत्वपूर्ण ज्हाजी रस्तें पर पुज्जे तां उनेंगी नशाना बनाया जाह्ग। ईरानी सेना नै इस गल्लै गी फ्ही पक्का कीता जे स्ट्रेट आफ होमूर्ज दी सुरक्षा ईरान दे नियंत्रण च बनी दी ऐ ते ज्हाजें गी उत्थुआं सुरक्षित लंग्घने आसतै उंदी सेना कन्नै तालमेल करना लाजमी ऐ।

<><><><><><>

Punjab Census

पंजाब च कल्लै थमां नशीले पदार्थें ते समाजी आर्थिक मरदमशुमारी दा आयोजन कता जा'रदा ऐ तां जे इस सरहद्दी राज्य च नशीले पदार्थें ते एह्दे इस्तेमाल दे कन्नोत्री घरें-मकानें दी समाजी ते आर्थिक स्थिति दा बी पता लाया जाई सकै। सरकार नै सब्भनें बसनीकें गी अपील कीती ऐ जे ओहू इस मरदमशुमारी च हिस्सा लैन तां जे सेहत सेवा ते नशामुक्ति सरबन्धी सेवाएं च सुधार आहन्नेआ जाई सकै।

<><><><><><>

Weather

मौसम विभाग नै अज्ज मती सारी थाहरें पर आमतौरा पर बदल छाए दे रौहने ते इक शा दंऊ बारी हल्की-फुल्की बरखा जां गरज-चमक कन्नै बरखा पौने दी पेशनगोई कीती ऐ। अधिकारियें किश थाहरें पर ऐन-गड़ा पौने ते तेज ब्हाएं दी चेतावनी बी जारी कीती ऐ ते लोकें गी लोड़चदी एहतियात बरतने दी सलाह दिती ऐ। उआं 6 कोला 9 मई तोड़ी पूरे इलाके च मौसम आमतौरा पर खुश्क रौहने दी मेद ऐ। अधिकारिणं दस्सेआ जे किश चिरे लेई खराब मौसम दे चलदे हालात स्थिर रौहगंन ते रुकियै-रुकियै बरखा ते तेज ब्हाएं दे चलदे राहत थ्होग।

<><><><><><>

Nagaland-govt. Monsoon

नागालैंड च मानसून दिणं तैयारिणं दा जायजा लैने लेई इक बैठक लोआई गई। एहू बैठक नागालैंड दे गवर्नर नंद किशोर यादव हुंदी अध्यक्षता च लग्गी जेदे च नागालैंड राज्य आपदा प्रबंधन प्राधिकरण,

गृह विभाग, जिला प्रशासन ते होरनें मुतल्लका धड़ें बैठका च मजूद हे। बैठक दरान गवर्नर होरें सब्भनें मैहकमें गी रली-मिलियै कम्म करने दे आदेश दित्ते इस इस गल्लै गी यकीनी बनाने लेई आखेआ जे मानसून दरान लोकें गी कोई दिक्कत-परेशानी पेश नेई आवै।

<><><><><><>

Gymnast

जम्मू-कश्मीर दे युवा जिमनास्ट रूद्राक्ष खनना होरें पैहली JRC Aerobic gymnastics stars championship जेड़ी थाईलैंड च पैहली थमां त्रै मई तगर होई, ओह्दे च चांदी दा तगमा जित्तेआ ऐ। इस उपलब्धि दी जम्मू-कश्मीर स्पोर्ट्स काउंसल नै सराहना कीती। काउंसल नै रूद्राक्ष खनना हुंदे कन्नै उंदे कोच कृपाली पटेल सिंह ते एस.पी सिंह होरें गी बी इस मौके पर मुबारकबाद दित्ती। काउंसल नै प्रायोजक भारती अक्षय उर्जा विकास एजेंसी गी बी उंदे समर्थ आस्तै शुभकामनां दित्तियां। इक सोशल मीडिया दी पोस्ट च युवा सेवाएं ते खेडू विभाग दे सचिव शाहिद Iqbal Choudhary होरें गी युवा जिमनास्ट गी उंदी इस उपलब्धि पर मुबारकबाद दित्ती ते उंदे जत्तें दी सराहना कीती।

<><><><><><>